

NEWSLETTER

februar
2018.



FONDACIJA
HASTOR

KREATIVNOST GRUPE BESKONAČAN JE POTENCIJAL

U subotu, 10. februara, u velikoj sali ASA Prevent grupacije, po drugi put u 2018. godini okupili su se studenti stipendisti Fondacije Hastor. Sumorno i maglovito februarsko jutro pretvoreno je u jutro puno pozitivne energije i želje za progresom i uspjehom, upravo zahvaljujući motivacionom govoru našeg ovomjesečnog gosta, čijih će se poruka prisutni stipendisti zasigurno dugo sjećati.

Naime, gost februarskog sastanka bio je Jasmin Porobić, direktor kompanije Exclusive d.o.o. Jasmin je stručnjak u oblasti menadžmenta, motivator, ali i veliki prijatelj Fondacije Hastor. Kroz svoje dugogodišnje iskustvo koje je stekao angažmanom u mnogim međunarodnim organizacijama, između ostalog i u okviru misija UN-a i OSCE-a, Jasmin je naučio koje su to esencijalne vrijednosti koje treba zastupati, te kakav je put kojim treba gaziti jedan mladi čovjek, kako bi najoptimalnije iskoristio svoj potencijal i sve resurse kojima raspolaže u određenom trenutku. Budući da izuzetno cijeni rad Fondacije, stečeno znanje i iskustvo odlučio je podijeliti i sa stipendistima koji se nalaze na životnoj raskrsnici na kojoj je nužno izabrati onaj pravi put, put ka uspjehu.

Kako da mladi ambiciozni ljudi strukturiraju svoj životni put, te kako da donesu ispravne i čvrste odluke koje će ih dovesti do željenog cilja, bila su dva primarna pitanja koje je Jasmin tretirao u okviru svog izlaganja. Na samom početku, putem naizgled sasvim obične i opuštajuće igre, te na osnovu dobijenih rezultata naš gost je pokazao stipendistima kako i kroz najobičnije forme vlastitog djelovanja možemo doći do nekih značajnih zaključaka o samom sebi, o našoj kreativnosti, o načinu na koji raspolažemo resursima, ali i samoj snalažljivosti u datom trenutku. Budući da je produkt igre na kraju bio drugačiji gotovo kod svakog stipendiste, Jasmin je naglasio izuzetno bitnu činjenicu: „Kreativnost grupe beskonačan je potencijal“, i od nas samih zavisi da li ćemo i na

koji način uspjeti sinergijom zajedničkih snaga i jedinstvenih kvaliteta, koje svako od nas posjeduje, napraviti nevjerovatne stvari.

Stipendisti su naučili da je esencijalna stvar spoznati sebe, svoje snage, slabosti, resurse kojima raspolažemo, te kontrolirati vrijeme, ali i prostor u okviru kojeg se odvija naše djelovanje. Tokom svog izlaganja prezentator je posebno naglasio da energiju koju posjedujemo trebamo usmjeriti ka dodatnom jačanju i adekvatnom korištenju vlastitih snaga i potencijala, a manje ka svojim slabostima. Naime, ukoliko se fokusiramo isključivo na svoje slabosti i pokušamo ih dovesti na istu razinu sa svojim snagama, utopit ćemo se u prosjek i niti u jednoj oblasti nećemo biti potpuno relevantni, ni stručni. S druge strane, orijentirajući se ka unapređenju vlastitih snaga postajemo najbolji u onome što radimo i time bivamo ispunjena, kompletna ličnost koja se po nečemu diferencira od mase drugih ljudi.

Zaključci do kojih je motivator doveo stipendiste putem ovog interaktivnog predavanja zasigurno će im koristiti tokom cijelog procesa obrazovanja, ali i života općenito. Prilikom izgradnje svoje ličnosti svako od nas treba se fokusirati na vlastite snage i afinitete jer jedino na taj način postajemo prepoznatljivi i jedinstveni u masi sličnih. Trebamo biti svjesni vlastitih slabosti, ali i činjenice da nismo svi stvoreni niti sposobni da budemo najbolji baš u svemu.

Amina Vatreš

Svako je genijalac. Međutim, ako prosuđuješ ribu na osnovu njene sposobnosti da se penje uz drvo, ona će cijeli život provesti u ubjeđenju da je glupa. (Albert Einstein)

”



ALMA MUJANOVIĆ:

sinonim za aktivizam



Nabrojati sve angažmane Alme Mujanović za naš redakcijski tim čini se, naizgled, nemogućom misijom. Ova stipendistkinja aktivna je u skoro svim poljima ljudskoga djelovanja i interesovanja: od muzike, sporta, fotografije, pa do angažmana, kako u lokalnoj, tako i u međunarodnoj zajednici. Slušna mana koja Almu prati od rođenja nije ju spriječila da postane uspješna u svemu čime se danas bavi.

Naročito je zapažen njen angažman u nevladinom sektoru i međunarodnim organizacijama. Alma je veliki borac za ljudska prava, naročito za inkluziju osoba s invaliditetom i marginalizovanih grupa.

Kako nas izvještava, u februaru ove godine primljena je kao nova članica Savjetodavne grupe mladih, pri OSCE Misiji u Bosni i Hercegovini (OSCE Mission to Bosnia and Herzegovina, Youth Advisory Group). Tu će se, kako kaže, baviti problematikom gluhih osoba u BiH te raditi na adekvatnoj primjeni inkluzije marginalizovanih grupa, sa djelimičnim fokusom na osobe s invaliditetom.

Također, u sklopu Erasmus+ programa naša Alma je u januaru ove godine kao team lider predvodila učesnike iz Bosne i Hercegovine na Kampu za mlade pod nazivom „Drama Camp - Sounds become visual“.

Tamo su imali priliku naučiti mnogo o teatru i radu gluhih osoba u pozorištu. Također su pripremali predstavu po djelu Dantea i njegove poznate "Božanstvene komedije: Pakao". Prva premijera izvedena je u teatru u Oslu, a druga će biti održana u martu u Parizu. Cilj projekta je ohrabriti gluhe da se trude i rade na svom talentu i nastave da se bore za svoje mjesto pod suncem.

Pored svih ovih aktivnosti, Alma se može pohvaliti ispitima koje je s visokim ocjenama završila u zadatim, januarskim rokovima, a trenutno završava i IT Akademiju gdje pohađa smjer Grafički dizajn i multimedije.

Kao izvjesnu motivaciju Alma ističe i našu Fondaciju koja, kako kaže, bodri i podržava ovakve aktivnosti i aktiviste.

Džulisa Otuzbir



Naredne brojeve našeg newslettera posvetit ćemo predstavljanju novih stipendista Fondacije Hastor koji su stipendiju dobili na osnovu Konkursa raspisanog za studente za akademsku 2017/2018. godinu.



Amela
Vatreš

AMELA VATREŠ

Predstavljanje započinjemo stipendistkinjom Amelom Vatreš. Rođena je u Sarajevu, gdje živi i studira. Već u srednjoj školi je počela pokazivati interesovanje za tehnologiju te je odlučila da svoje školovanje nastavi na Internacionalnom Burch Univerzitetu, na Odsjeku za informacione tehnologije.

Kao student druge godine, većinu slobodnog vremena provodi razvijajući vještine programiranja, dizajna te drugih aspekata razvoja softvera. Uživa u slikanju, poetici, ali i u vremenu provedenom u krugu prijatelja i porodice.

Stipendistkinjom Fondacije Hastor postala je u februaru 2018. godine, ispunivši uvjete opisane u Konkursu za prijem novih stipendista. Ističe da joj činjenica da je postala stipendistkinjom Fondacije predstavlja izuzetnu čast, a kroz svoje naredno djelovanje i aktivnosti će se truditi da opravda povjerenje koje joj je zajednica Fondacije Hastor ukazala.

Razim Medinić

3 WEB-STRANICE ZA EDUKACIJU I INSPIRACIJU

Učenje novih stvari i vještina uvijek se isplati. Tako poboljšavate vaš profesionalni život, ali i privatni. Ovdje donosimo neke od najkvalitetnijih web-stranica koje možete pratiti i samostalno se educirati o temama koje vas zanimaju.

1. Biography (www.biography.com)

Svi se sjećamo trenutaka kada smo sjedili u školskim klupama i učili o najutjecajnijim osobama iz historije, zapisivali ime, područje djelovanja i doprinos na određenom području, npr. Isaaca Newtona u fizici. S godinama smo počeli tražiti inspiraciju u onima koji su nam bili bliski. Biography (www.biography.com) nudi mnoštvo videa o brojnim utjecajnim ljudima kroz našu historiju. Upoznajte bivše predsjednike, glumce, muzičare, naučnike, njihova postignuća i pogledaj kroz što su sve prošli da bi ih danas gledali kao vlastiti primjer i vodilju u životu. Sigurno ćete pronaći nekoga čiji će vas život inspirisati i s kim ćete se usporediti te moći ponešto i naučiti.

2. Book TV (<https://www.c-span.org/series/?bookTv>)

Na stranici Book TV (<https://www.c-span.org/series/?bookTv>) možete pronaći brojne intervju s autorima i značajnim pojedincima iz cijelog svijeta. U sat vremena, ili tri, saznajte zašto je neko o nečemu pisao, šta je htio poručiti i možete li pronaći poveznicu s tom osobom. Pregledajte ko sve govori u intervjuima, o čemu govori i odvojite jednu subotu mjesečno. Više nećete samo morati čitati knjigu, nego i iz prve ruke dobiti informacije od samih autora.

3. NOVA (<http://www.pbs.org/wgbh/nova/>)

Ako volite u par minuta naučiti nešto novo i zanimljivo, kao npr. kako gravitacija mijenja boje, pregledajte stranicu NOVA (<http://www.pbs.org/wgbh/nova/>). Odaberite jedan od 273 kratka videa i nakon toga temu koja vas zanima, možda su to svemir i letenje, a možda planeta Zemlja ili vojska i špijunaža.

vrijedni zasluŹuju pohvalu

U toku januara 2018. godine posjetio sam 9 grupa studenata stipendista Fondacije Hastor, njih 17 koji su zaduŹeni da volontiraju sa 104 učenika osnovnih i srednjih škola u 6 gradova. Na tom putu prešao sam 860 kilometara. Studenti su iskoristili svoje znanje i svoju ulogu u mjesnoj zajednici u kojoj Źive ili volontiraju pa ih većina održava svoje radionice u toplim školskim prostorijama ili u prostorijama raznih udruŹenja.

U Konjicu su se Zuhra Jablić i Jasmina Hebibović smjestile u prostorijama udruŹenja „Źena za Źenu“. U Olovu su Adem Dedić i Amar Vrabac iskoristili lijep dan pa izašli u prirodu iako imaju na raspolaganju zgradu osnovne škole u Olovu. Elma Halilović je dobila prostor obdaništa u Kladnju. DŹenita Ibrić, Tijana Popović i Samra Mustafić su u zgradi Gimnazije „Ismet Mujezinović,“ dobile odobrenje od direktorice

te škole da u ovim zimskim danima mogu lijepo da se druŹe u toplom prostoru. Muamer Duratbegović i Jasmina Lugonja u Omladinskom centru „Galerija“ u Novom Travniku imaju puno prostora, ali su odlučili da se smjeste u manji dio koji mogu grijalicom lijepo zagrijati. Selma Imamović je u Bugojnu dobila učionicu u Trećoj osnovnoj školi od direktorice te škole.

Moram pohvaliti sve studente koji su uspjeli da dobiju prostor koji je adekvatan za davanje i primanje znanja. Također bih se zahvalio u ime Fondacije Hastor, u ime učenika i studenata kao i u svoje ime svim licima odgovornima za ove prostore što su nam ih ustupili.

Ramo Hastor



Anisa Ruhotina



ANISA RUHOTINA

ili sa drugim mentorima obezbijedila mlađim stipendistima kvalitetno provođenje vremena. Ono se sastojalo u posjećivanju muzeja, sajma knjige, obilaženju gradskih znamenitosti te izleta na obližnje planine. Često se hvalim time kako je svaki stipendista s kojim sam imala priliku volontirati posjetio barem jedan muzej, jer smatram da je to osnov kulture, a u današnje vrijeme se često zanemaruje“, kazala je Anisa.

Zbog svoje angažiranosti i posvećenosti u radu Fondacije Hastor, kao i njenog ličnog uspjeha, Anisa Ruhotina je stipendistkinja drugog mjeseca u tekućoj godini. Anisa je završila srednjoškolsko obrazovanje u Prvoj gimnaziji Sarajevo, nakon čega i prvi ciklus studija na Pravnom fakultetu Univerziteta u Sarajevu s prosjekom ocjena 9.83. Dobitnica je Zlatne značke, posebnog priznanja Univerziteta u Sarajevu što dokazuje njen trud i rad. Ovdje Anisa nije željela stati. Hvalevrijedna djevojka, trenutno je studentica drugog ciklusa Pravnog fakulteta Univerziteta u Sarajevu na katedri Maloljetničko prestupništvo, a određeni vremenski period bila je i student demonstrator na predmetu Obligaciono pravo.

Anisa se Fondaciji pridružila 2015. godine. Iako u kratkom vremenu, iskusila je volontiranje, kako na terenu, tako i u administrativnom timu.

„Za taj relativno kratak period imala sam sreću da iskusim volontiranje na terenu i u administraciji. Ponosim se volonterskim satima na terenu, a naročito time što smatram da sam, bilo samostalno


Njeno odlično obavljanje funkcije mentora potvrđuju i česti pozivi učenika koji administraciju obavještavaju o kvalitetnom i zanimljivom provođenju volonterskih sati.

Kada je riječ o volonterskom angažmanu u administraciji za nju, kako ističe, to je bilo iskustvo koje je doprinijelo izgradnji njene ličnosti, kao i poboljšanju komunikacijskih i organizacijskih vještina. Ono po čemu Anisa izdvaja Fondaciju je prijateljstvo i obrazovanje.

„Prijateljstvo, jer nam je Fondacija omogućila da upoznamo predivne ljude iz svih dijelova BiH i naučila nas je da prije svega jedni drugima trebamo biti prijatelji, a obrazovanje, jer ga Fondacija stavlja ispred svega, i u svakom momentu nas uči da je ono pokretač nas samih. Jer, uistinu, znanje je moć“, zaključila je Anisa.

Belma Zukić

A L M A M U J A N O V I Č



Na osnovu baze podataka utvrđeno je da su stipendisti i volonteri Fondacije Hastor u proteklom mjesecu zabilježili 14806 volonterskih sati. Kao i do sada, najveći broj volonterskih sati ostvaren je na volonterskim sastancima naših stipendista – studenata, srednjoškolaca i osnovaca na 267 volonterskih radionica u 60 općina širom Bosne i Hercegovine. Ovoj velikoj brojci doprinosi i volonterski angažman naših studenata koji volontiraju u administraciji i redakciji Fondacije Hastor, kao i angažman stipendista koji rade na razvoju aplikacije Fondacije Hastor i održavanju naše web stranice. Obavezna tema o kojoj su naši stipendisti diskutovali na svojim volonterskim druženjima proteklog mjeseca je „Kako kvalitetno provesti slobodno vrijeme“. Pored obavezne teme, stipendisti su obrađivali i druge interesantne teme, a naši studenti su dio volonterskih sati odvojili kako bi pomogli mlađim stipendistima da što bolje savladaju školsko gradivo.



Neke od najzanimljivijih tema:

- “ Kako stvoriti vlastiti biznis? ”
- “ Industrije koje rastu – profitabilna zanimanja ”
- Značaj krmnog bilja
- Da li želite biti prosječni?!
- Genetički modificovana hrana
- Društvena pravednost i aktivizam
- “ Feminizam ”
- “ Kako se osloboditi straha od javnog nastupa? ”
- Prednosti i nedostaci interneta
- DA LI SU POTREBNA POSEBNA PRAVILA ZA MLADE VOZAČE? ”
- “ Treba li dopustiti testiranje lijekova i kozmetike na životinjama? ”
- ADHD – deficit pažnje / hiperaktivni poremećaj kod djece
- “ Komunikacija – nekad i sad ”
- BiH – otići ili ostati? ”
- “ Knjiga – čovjekov najbolji prijatelj ”

Općine u kojima su u proteklom mjesecu održane volonterske radionice:





EDINA DURMIŠEVIĆ
SŠC Jovan Dučić, Teslić

FONDACIJA HASTOR

Bulevar Meše Selimovića 16, Sarajevo
033 774 789
033 774 823
fondacija@hastor.ba

REDAKCIJA

Džulisa Otuzbir
Razim Medinić
Belma Zukić
Amina Vatreš

Maida Husnić
Lejla Đonlagić
Nirvana Žiško